

Oleh Elder Tad R. Callister

Dari Presidensi Tujuh Puluh

Bertahun-tahun lalu moyang saya mengambil sebuah Kitab Mormon untuk kali pertama. Dia membukanya ke tengah-tengah dan membaca beberapa muka surat. Lalu dia mengisytiharkan, “Buku itu ditulis oleh Tuhan atau iblis, dan saya akan mendapati siapa yang menulisnya.” Dia membaca seluruh buku dua kali dalam 10 hari dan isytiharkan, “Tidak mungkin iblis yang menulis buku ini---ia mesti dari Tuhan.”

Itu adalah kebijakan Kitab Mormon---tidak ada keneutralan. Kitab Mormon adalah firman Tuhan seperti yang ia nyatakan, atau Kitab Mormon adalah fraud sama sekali. Kitab ini tidak menyatakan bahawa ia adalah perbincangan moral-moral atau ulusan teologi atau koleksi tulisan wawasan. Kitab Mormon menyatakan bahawa ia adalah firman Tuhan---setiap ayat, setiap perenggan, setiap muka surat. Joseph Smith mengisytiharkan bahawa seorang malaikat Tuhan memimpin dia ke kepingan-kepingan emas, yang mengandungi tulisan-tulisan para nabi di Amerika purba, dan bahawa dia menterjemahkan kepingan-kepingan itu oleh kuasa Tuhan. Kalau cerita itu benar, Kitab Mormon adalah tulisan suci, seperti yang ia nyatakan; kalau tidak, Kitab Mormon adalah fraud yang canggih tapi jahat.

C.S. Lewis telah bercakap tentang dilema yang sama yang dialami oleh seseorang yang mesti pilih untuk menerima atau menolak ketuhanan Juruselamat---di mana juga tidak ada keneutralan: “Saya cuba di sini untuk menghalang orang dari mengatakan hal yang sangat bodoh yang orang kerap kali katakan mengenai Juruselamat: ‘Saya sedia menerima Yesus sebagai guru moral yang besar, tapi saya tidak menerima pernyataanNya yang Dia adalah Tuhan.’ Itu adalah satu-satunya perkara yang kita harus tidak mengatakan. Seorang lelaki yang hanya manusia saja yang mengatakan hal-hal yang Yesus katakan tidak akan menjadi guru moral yang besar...Kamu mesti membuat pilihan kamu. Sama ada orang ini adalah Putera Tuhan: atau seorang gila atau sesuatu yang lebih teruk...Tapi jangan kita datang dengan perkara-perkara karut mengenai Dia menjadi guru manusia yang besar. Dia tidak kasi izin untuk kita membuat tafsiran itu. Dia tidak berniat berbuat demikian.

Begitu juga kita mesti membuat pilihan sederhana dengan Kitab Mormon---sama ada ia dari Tuhan atau iblis. Tidak ada pilihan lain. Saya menjemput kamu seketika untuk mengambil ujian yang akan membantu kamu menentukan watak sebenar buku ini. Tanyalah diri kamu sama ada ayat-ayat suci berikut dari Kitab Mormon membawa kamu lebih dekat dengan Tuhan atau iblis:

“Bergirang hatilah akan firman Kristus, kerana lihatlah, firman Kristus akan menceritakan kepadamu segala hal yang harus kamu lakukan.” (2 Nefi 32:3)

Atau kata-kata seorang ayah yang penyayang kepada anak-anaknya:

“Maka putera-puteraku, ingatlah, ingatlah bahawa kamu harus mendirikan dasarmu di atas batu karang Penebus kita, iaitu Kristus, Putera Tuhan.”

Atau kata-kata seorang nabi:

“Datanglah kepada Kristus, dan jadilah sempurna di dalam Dia.” (Moroni 10:32)

Adakah ayat-ayat ini dari Kitab Mormon mungkin ditulis oleh iblis? Selepas Juruselamat mengusir beberapa iblis, orang Farisi berkata bahawa Dia berbuat demikian “dengan Beelzebub, putera iblis.” Juruselamat menjawab bahawa kesimpulan yang demikian mengarut: Dia mengatakan, “Setiap kerajaan yang terpecah-pecah pasti binasa; dan setiap...rumah tangga yang terpecah-pecah tidak dapat bertahan.” Lalu dia mengatakan dalam klimaks: “*Dan kalau Setan mengusir Setan, diapun terbagi-bagi dan melawan dirinya sendiri; bagaimanakah kerajaannya dapat bertahan?*” (Matius 12:24—26)

Kalau ayat-ayat suci yang saya baca tadi dari Kitab Mormon mengajar kita untuk menyembah dan mengasihani dan melayani Juruselamat (yang memang benar), bagaimana ayat-ayat suci itu berasal dari iblis? Kalau demikian, dia akan menentang dirinya sendiri dan memusnahkan kerajaannya sendiri, dan inilah keadaan yang tepat yang Juruselamat katakan tidak dapat wujud. Membaca Kitab Mormon dengan ikhlas dan tanpa berat sebelah akan membawa seseorang kepada kesimpulan yang sama dengan moyang saya, iaitu: “Tidak mungkin iblis yang menulis buku ini---ia mesti dari Tuhan.”

Tapi kenapa Kitab Mormon begitu penting kalau kita sudah ada Alkitab untuk mengajar tentang Yesus Kristus? Adakah kamu pernah bertanya kenapa wujudnya begitu banyak gereja Kristian kini di dunia sedangkan semua gereja itu mendapat ajaran-ajarannya dari Alkitab yang sama? Sebabnya adalah kerana mereka mentafsirkannya dengan berlainan. Kalau mereka mentafsirkannya dengan sama, mereka akan menjadi satu gereja. Ini bukan keadaan yang Tuhan ingin, kerana Rasul Paulus mengisytiharkan bahawa ada “satu Tuhan, satu iman, satu baptisan.” (Efesus 4:5). Untuk membantu mendatangkan kesatuan ini, Tuhan mendirikan hukum orang saksi. Paulus mengajar, “Dengan keterangan dua atau tiga orang saksi suatu perkara sah.” (2 Korintus 13:1)

Alkitab merupakan satu kesaksian Yesus Kristus; Kitab Mormon adalah satu lagi. Kenapa kesaksian yang kedua ini begitu penting? Contoh berikut mungkin dapat

membantu: berapa garis lurus dapat kamu lukis melalui satu titik di sekeping kertas? Jawabannya tidak terbatas. Katakan sekejap bahawa titik itu melambangkan Alkitab dan bahawa garis-garis lurus yang beratus-ratus yang dilukis melalui titik itu melambangkan tafsiran-tafsiran Alkitab yang berlainan dan bahawa setiap tafsiran itu melambangkan satu gereja yang berbeza.

Tapi apa yang terjadi kalau ada satu titik lagi di kertas itu yang melambangkan Kitab Mormon? Berapa garis yang lurus dapat kamu lukis melalui kedua-dua titik rujukan ini--iaitu Alkitab dan Kitab Mormon? Hanya satu. Hanya satu tafsiran ajaran Kristus dapat wujud kerana dua kesaksian ini.

Berkali-kali Kitab Mormon bertindak sebagai saksi yang mengesahkan, menjelaskan, dan menyatukan ajaran-ajaran yang diajar dalam Alkitab supaya hanya ada “satu Tuhan, satu iman, satu baptisan.” Contohnya, beberapa orang keliru sama ada baptisan adalah perlu untuk penyelamatan walaupun Juruselamat mengisytiharkan kepada Nikodemus, “Jika seorang tidak dilahirkan dari air dan Roh, ia tidak dapat masuk ke dalam Kerajaan Tuhan.” (Yohanes 3:5). Tapi Kitab Mormon meniadakan semua keraguan mengenai perkara itu: “Dan diperintahkanNya kepada semua orang bahawa mereka harus bertaubat dan dibaptiskan di dalam namaNya...atau mereka tidak dapat diselamatkan di dalam Kerajaan Tuhan.” (2 Nefi 9:23)

Wujudnya pelbagai cara pembaptisan di dunia kini walaupun Alkitab memberitahu kita cara dengan mana Juruselamat, iaitu Teladan kita yang besar, dibaptiskan: “Yesus segera keluar dari air.” (Matius 3:16). Adakah Dia dapat keluar dari air kecuali Dia masuk ke dalam air dulu? Kalau ada apa-apa perselisihan dengan perkara ini, Kitab Mormon menyelesaikannya dengan pernyataan yang jelas ini mengenai cara pembaptisan yang betul: “Kamu harus mencelupkan mereka ke dalam air.” (3 Nefi 11:26)

Banyak orang percaya bahawa Tuhan berhenti memberi wahyu setelah Alkitab ditulis walaupun Alkitab merupakan kesaksian akan pola wahyu Tuhan semasa 4,000 tahun kewujudan manusia. Tapi satu ajaran yang salah begini adalah seperti domino yang jatuh dan menyebabkan kejatuhan domino-domino yang lain atau dalam kasus ini kejatuhan ajaran-ajaran yang benar. Kepercayaan dalam penghentian wahyu menjatuhkan ajaran bahawa Tuhan adalah sama kelmarin, hari ini, dan selama-lamanya; ia menjatuhkan ajaran yang diajar oleh Amos bahawa “sungguh, Tuhan tidak berbuat sesuatu tanpa menyatakan keputusan-Nya kepada pelayan-pelayan-Nya, para nabi” (Amos 3:7); dan ia menjatuhkan ajaran bahawa “Tuhan tidak membezakan orang” (Kisah 10:34) dan dengan demikian bercakap kepada semua orang pada semua zaman. Tapi mujurnya Kitab Mormon mendirikan lagi kebenaran Alkitab mengenai wahyu berterusan: “Dan lagi, Aku bicara kepadamu yang menyangkal wahyu-wahyu Tuhan, dan mengatakan bahawa wahyu-wahyu itu sudah ditiadakan...bukankah kita membaca bahawa Tuhan adalah sama

October 2011 Sunday Morning Session---43 Elder Tad R. Callister 348 Malay p.4  
kelmarin, hari ini, dan selama-lamanya.” (Mormon 9:7,9). Dalam kata lain, kalau Tuhan,  
yang tidak dapat berubah, bercakap pada zaman-zaman purba Dia akan bercakap pada  
zaman-zaman moden juga.

Senarai pengesahan dan penjelasan ajaran berterusan, tapi tidak ada yang lebih berkuasa,  
atau lebih memilukan, daripada perbincangan Kitab Mormon mengenai Korban Tebusan  
Yesus Kristus. Adakah kamu ingin menerima kesaksian yang tidak dapat dinafikan  
dalam jiwamu bahawa Juruselamat turun ke bawah dosa-dosamu dan bahawa tidak ada  
dosa atau keadaan yang di luar kuasa Korban TebusanNya yang berbelas kasihan---  
bahawa untuk setiap kesusahan kamu Dia mempunyai ubat yang berkuasa  
menyembuhkan? Bacalah Kitab Mormon. Ia akan mengajar kamu dan bersaksi kepada  
kamu bahawa Korban Tebusan Kristus tidak terbatas kerana ia mengelilingi dan  
merangkumi dan melibihi setiap kelemahan yang fana yang diketahui oleh manusia.  
Itulah kenapa nabi Mormon isytiharkan, “Kamu akan mempunyai harapan melalui  
korban tebusan Kristus.” (Moroni 7:41)

Ia tidak hairan bahawa Kitab Mormon mengisytiharkan dengan keberanian, “Dan jika  
kamu akan percaya kepada Kristus, kamu akan percaya kepada kata-kata ini, kerana kata-  
kata ini ialah firman Kristus.” (2 Nefi 33:10) Bersama dengan Alkitab, Kitab Mormon  
adalah kesaksian ajaran Kristus dan ketuhananNya yang perlu. Bersama dengan Alkitab,  
Kitab Mormon “mengajar semua orang bahawa mereka harus berbuat baik.” (2 Nefi  
33:10). Dan bersama dengan Alkitab, ia membawa kita kepada “satu Tuhan, satu iman,  
satu baptisan.” Itulah kenapa Kitab Mormon begitu penting dalam kehidupan kita.

Beberapa tahun lalu saya menghadiri gereja di Toronto, Kanada. Seorang budak  
perempuan berumur 14 tahun berucap. Dia berkata bahawa dia telah membincangkan  
agama dengan kawannya di sekolah. Kawan dia bertanya, “Kamu ikut agama yang  
mana?”

Dia menjawab, “Gereja Yesus Kristus Orang Suci Zaman Akhir, atau Mormon.”

Kawan dia berkata, “Saya tahu Gereja itu, dan saya tahu ia tidak benar.”

“Bagaiman kamu tahu?” budak itu bertanya.

“Sebab saya sudah menyelidikinya,” kawan dia berkata.

“Kamu sudah baca Kitab Mormon?”

“Tidak,” dia menjawab. “Saya belum membacanya.”

Lalu budak perempuan yang baik hati ini mengatakan, “Kalau begitu, kamu belum menyelidiki Gereja saya kerana saya sudah membaca setiap muka surat Kitab Mormon dan saya tahu ia benar.”

Saya pun telah membaca setiap muka surat Kitab Mormon, berkali-kali, dan saya memberi kesaksian saya yang sungguh-sungguh, seperti moyang saya, bahawa ia adalah dari Tuhan. Dalam nama Yesus Kristus, amin.